



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvací, 1625

De dolore calculi eius, & præscientia ante diem obitus sui. XXIV

[urn:nbn:de:hbz:466:1-45790](#)

ērgo poculum, quod puer fuit in signum flagelli, alijs gustantibus extitit in solatium noui miraculi.

3. Curato autem puero à febribus suis, rursus extensa est manus Domini in sacerdotem huius virginis. Nam dominus Ioannes confessor eius, in febres quartanas incidit, & eodem die quo virgo solito more febricitabat, & ipse percussus rigorem febrium sustinebat. Hęc videns soror domini Ioannis, interrogabat virginem, quamdiu febres fratris sui deberent durare. Quae respondit, eum circa Dominicam primam quadragesimę sequentis esse liberandum. Quod & ita factum est, ut prædictum est. Et cum idem dominus Ioannes, graui infirmitate usque ad mortem ægrotaret, virgo ei compasla magna instantia precum suarum, mortis dilationem & vitę prolongationem, à Domino misericorditer eidem impetravit.

CAPVT XXIV.

De dolore calculi illius, & de praescientia ante diem obitus eiusdem.

1. Virgo Christi Lideutigis, in multis examinata doloribus, ut non remaneret in ea peccati macula, tandem adhuc una acutissima plaga percussa est & purgata. In ultimo igitur anno vitę suę, à festo Purificationis usque ad festum Paschæ sequentis, cum alijs infirmitatibus, quas prius diutissimè habuerat, tanta molestia calculi grauabatur, quod frequenter duabus vel tribus vicibus, una hora quasi exanimis facta, loqui non poterat. Quia angustia cum vehementi mortali dentium, sine verbis impatientia, vix transacta & cessante, paucissimis verbis vix vti poterat ad loquendum. Dicebat autem, quia idem calculus mortem sibi esset illatus, quantitatem habens quasi unius ouii columbae.

2. Eo quoque tempore ita raro per internas consolations diuinitus visitabatur, quod domino Ioanni confessori suo, quodammodo se derelictam à Domino præ solito, cum lachrymis conquerebatur. In qua tamen desolatione maius meritum per patientiam ei accreuit: quia conformior Christo in cruce patienti reddebat, qui voce magna ad Patrem clamauit dicens; *Deus meus, Deus meus, ut quid dereliquisti me?* Ipsa autem sancta virgo, sicut vera amatrix & baiulatrix crucis, continuabat & tolerabat infirmitates suas usque ad mortem, quam etiam longè antea (Domino reuelante) praesciverat. Nam cum quidam religiosus Prior, ab eadem datus, ad eam venisset, (scilicet in profecto Cathedræ sancti Petri, eodem anno quo obiit)

altera

380 DE VITA LIDEVVICIS VIRGINIS
altera die summo manè admonitus est idem Prior à domino Io-
anne confessore virginis, ut intraret cellam eius, si quid gratia
spiritualis circa eam vellet experiri.

3. Cùm ergo cellam eius intrasset, tantam odoris suauissimi
fragrantiam in ea persensit, quam virgo tunc à Domino visitata,
& ad loca cælestia pèrducta reportauerat; quasi in eadem cella
diuersæ species aromaticæ repositæ fuissent. Post mutuum igitur
diuinumque colloquium de his propter quæ Priorem vocauerat,
admonuit eum, ut in festis Paschalibus ad eam rediret, ad conse-
rendum adhuc de ijsdem melius prout Dominus donauerit. Quòd
si eam nō inueniret, quòd tunc ex charitate pro ea oraret. Ex qui-
bus verbis liquidò patet, hoc eam de morte sua dixisse, licet mes-
tionem mortis non expresserit.

CAPVT XXV.

De gratia in nocte Paschali, & prophetia mortis eius..

1. A Dueniente autem solemnitate Paschali, in ipsa sacra Domi-
nicæ Resurrectionis nocte, circa horam quartam diluculo
illucescente, prædictus dominus Iohannes confessor eius, ad in-
uisendam virginem accessit: qui tam ex odore manuum eius,
quam ex verbis ipsius clarè percepit, quòd more solito, ab Ange-
lo sancto visitata fuerat. Tantam enim suavitatem apud eum
sentiebat, quòd putabatur diuersorum aromatum vnguentis
peruncta. Super quo, cùm ille ei congratulans Domino gratias
ageret, ipsa ad se post habitam visitationem reuersa, fatebatur se
diuinitus consolatam: pœnas tamen grauissimas sibi instare af-
ferebat, quas per eadem festa passura erat.

2. Dicebat quoque se in eadem nocte audisse, in cælestibus
alleluia cantari: atque sperabat, quòd idem canticum alleluia,
cum cælestibus spiritibus breuiter in maiori gaudio & consola-
tione esset canturā: leuius quoque se habituram ab illis grā-
uaminibus, si festa Paschalia transiissent. Quod de mortis exitu
dixisse videtur, quamvis breuiter se morituram non indicabat.
Singulis tamen diebus, scilicet ipso sancto die Paschæ cum duo-
bus sequentibus, dicebat aduentantibus: quòd pœnæ, quas pa-
tiebatur, non essent diu duraturæ, sicut postea rei probauit
eventus.